

蜀故
六

蜀故卷二十五

術士

蜀人嚴儲者與蘓易簡之父善儲之始舉進士而易簡生
三曰為飲局有曰者同席儲以年月詢之曰者曰君當俟
蘓公之子為狀元乃成名坐客皆笑後歸朝累舉不捷太
平興國五年於易簡榜下登第
巫山道士黃護以符藥救人蜀王建召之鋪草席水面沂
流而上一日至成都
漢趙賓好異說以氣無箕子箕子者萬物芟茲也顏師古

曰古皆菱箕同音

偽蜀將韋承舉典眉州召僧行其至郡同修作金法藥垂
成韋坐敗廬敬芝送至幕順津韋收藥沉鼎於江中謂廬
生曰先是授吾術韋處士者吾之而滅口今日之事藥
成而禍及其有神理乎蜀國變更韋以拒魏王之師誅死
候莫陳姓三字利用成都人賣藥京師黃白術以惑人太宗
召見試其術頗驗累官至團諫使前後賜與甚厚居處皆
僭乘輿趙普廉和殺人及不法事奏之太宗令中使繼殺
之已復遣貸死後使馬旋寧而仆比追及已以為前使誅

矣

術數

楊由為成都文學少治易曉占候忽有風起太守廉范問之由曰有薦木實者色黃赤頃之五官掾獻橘數色

蜀漢時周羣妙嫻算術識說遊岷山採藥見一白猿從絕峯而下對羣而立羣抽所佩書以授猿猿化為一老翁握中有玉版長八寸以授羣羣問曰公是何年生答曰已衰邁矣忘其年月猶憶軒轅之時始學歷數風后容成皆黃帝之史就余授歷術至顓頊時者定日月星辰之運尤多

差異春秋時有子韋子野裨竈之術權畧雖驗未得其門
邇來世代興亡不復可記因以相襲至大漢時有洛下閎
頗得其旨羣復其言更精勤算術及考校年歷之運驗於
圖緯知蜀應滅及明年歸命奔皆云周羣詳陰陽之精
妙也蜀人謂之後聖白猿之異有似越人所記而事皆迂
誕似是而非

至和二年成都人有費孝先者始來眉山云近遊青城山
訪老人村壤一竹床孝先謝不敏且欲償其值老人笑曰
子視其下字云此床以某年月日某造至某年月日為費

老先所壞成敗自有數何以償為孝先知有異乃留師之
老人授以易軌革卦影之術前此未有知此學者後五六
年孝先以此致富東坡仇池筆記

丁元和者蜀人自幼好道不慕聲利疎放無羈束或晴霽
負琴出郭飲酒杖策逍遙於田畝間常言祖父長興元年
於遂州值孟先主與東川董太_原會兵攻圍州城先是城
中有一貧士曰宋自然嘗於街市乞丐里人不能辨之至
重圍中人皆飢殍宋亦餓殍於州市相識者以簞裹埋城
下至明年有遂州驅使李彥先往潞州勾當至城破方歸

說見宋自然在路州告云君若歸傳與相識五六家那時
甚是勞煩人答以自然於重園中已死因與發冢處只見
簞其間有一緋文字云心是靈臺神之室口為玉池生玉
液常將玉液溉靈臺流利關元通百脉潤柯葉生青葉青
柯潤便長生世人不會長生藥鍊石燒丹勞爾形元和因
是學道深得其用

玉液者舌下兩脉津水也每旦於起坐暗目絕慮叩齒
二七通漱令滿口乃吞之以意送至臍下炁海一七遍經
久自然流水瀝瀝下坎澗之聲如此則百脉和暢黃庭

經云玉池津水灌靈根又曰漱咽靈液灾不干此之謂也

謝道人洪雅人嘗賦茗帚詩云掃此清淨圖愈掃愈不淨
欲要掃教淨放下茗帚柄在彭州葛仙沼洞中坐多有蛇
纏身三五日不去移上深山中丁坐忽一日以青褐寄觀
主我去矣數日不知何倚大石而逝觀主瘞之是日有一
老持謝道人束來取青褐老云偶相遇在閬州始知其尸
解矣

湖廣黃岡縣陽邏驛有柳夫人墓廟煙火尚盛攷志云夫

人蜀人祖秉忠父正皆仕元夫人生而靈異齡年遭刃無
所傷稍長好道及識締術歸龍氏且有子矣父謀抗明兵
夫人言天命有在不聽與壻敗死夫人為俘洪武思詔放
還沂行江上舟至陽邏虎頭磯石林巒幽竒洲渚環向遂
請地於官許之夫人入山踞巔續麻七日有叟瞠然袖符
錄一卷授夫人曰明此後鬼神驅六丁矣是夕風雷拔木
驚獸潛藏乃剪荆棘而居焉適鄧將軍愈討麻陽道過陽
邏微服往見夫人獨目之曰將軍何不與乎愈令軍中知
法術者與之角皆禁不得試夫人知愈輕麻陽乃曰將軍

無敵敵脫有吾當助之愈問其徵曰郡鴉作陣愈進討果
果失利天忽暝晦郡鴉翔集見夫人緋衣躍馬空中霹靂
山震轉石揚沙來之大勝麻陽平歸奏太祖賜封真沙夫
人後夫人欲建太嶽祠而難其材值木筏蔽江而下乃以
一絲繫續具筏膠不行商乃輸木後年九十解去

張滉字海上王蜀舉人雍熙丙戌歲往嘉州謁平羗令船
次平羗溉下夜泊夢二人容貌端嚴白衣華煥於滉前俯
伏求救滉覺惟聞船棧下跳躑之聲不已視之乃二鯉魚
焉滉性躁急不容物怒此魚撓其寢遂扶棧取魚棄於於

江中既而就寢復夢二白衣持大蒜數頭邈謝而去選明
方悟向夢者魚也至平羗以夢告令令曰祥符也放魚所
感蒜者算也當延君算耳泥至晚年著後隱書三卷壽七
十八卒
揚良者善議命游公卿間瞽而多智自去知數言頗不碌
碌其得失多以五行為主不深信珞珞諸書時韓侂冑當
國權震天下周夢與扣以所生愀然曰是不能令終天年
壬申金也申為金位有坤以厚之故金之剛者莫加焉日
曰劍鋒從可知矣是金不復畏官火惟丙寅能制之蓋支

千納音俱為火而履於木木實生火火且自生生不窮雖
使百鍊終能勝天理之自然哉凡人生時主未今乃遇之
兆已成矣且其月辛亥其日巳巳四孟全備二氣交戰雖
以致大受之福亦以挺衝繫之災金術者頗亦知之多疑
其丙寅歲病死其實不然蓋火災金液外強中乾以剛遇
烈赫赫然天地一鑪萬物一燄籥孰可向邇是年顧當
此禍耳未疾顛也年運於外火為沐浴氣微而敗灰燼鎔
竭不能支矣然受物也大罪盡其用不可一陽將萌豈其
時乎時吳江丞袁韶登科人有雋才或問其命曰辛巳丙

申丁亥壬寅亦俱在四孟而丁壬丙辛皆真化日於格為
天地合德尤分明遂扣艮前說因以為擬艮作而言曰惟
其大分明所以非韓比特一化氣皆生韓自此却不及之
既而艮言皆大驗人乃服其神

謝石字潤夫成都人以相字言人禍福求相者但隨意書
一字即就其字離析而言無不奇中名聞九重上皇因書
一朝字令中貴人持往試之石見字即端視中貴人曰此
非觀察所書也然謝石賤術據字而言今日遭遇即因此
黥配遠行亦此字也但未敢遽言之也中貴人愕然且謂

之口但有所據盡言無懼石以手加額曰朝字離之為十
月十日字非此月此日所生之天人當誰書也一座皆驚
中貴馳奏翌日召至後苑令左右及宮嬪書字示之皆據
字論說禍福俱有精理錫賚甚厚并與補承信郎緣此四
方求相者其門如市有朝士其室懷孕過月手書一也字
令其夫持問是日座甚衆石祥祝謂朝士曰此閣中所書
否曰何以言之石曰謂語助者焉哉乎也因知是內助所
書尊閣盛年三十一否曰是也以也字上為三十下為一
也然吾官寄此當力謀遷動而不可得否曰正以此為撓

耳蓋也字着水則為池有馬則為馳今池運則無水陸馳則無馬是安可動也又尊閣父母兄弟近身親人無一存者以也字着人則是他字今獨見也而不見人又尊閣其家亦皆蕩盡以也着土則為地字今又不見上也二者俱是否曰誠如所言朝士即謂之曰此皆非所問者賤室懷孕過月方切憂之所以問耳石曰是必十三個月也以字中有十字並兩傍二翼下畫為十三也石熟視朝士曰有一事似涉奇怪因欲不言官人所問正決此事朝士請其說石曰也字着虫為虵字今尊閣所孕殆虵妖也然不見

蠱蠱則不能為害謝石亦有簿術可為官人必藥下驗之
無害也朝士大異其說請至家以藥服之果下百數小蛇
而體平都人亦共神之而不知其竟挾何術也其具
折字而神奇若此乎挾術一語得之不然則與近日懸
粉牌趕棚廠逢人滿口胡說者何異
馮山人懷古字德淳遂寧人有之倫之鑒善辨山水地里
太平興國中於青城山三蹊路牛心山前看花山後因卜
居立三間大閣偃息其中居常所論皆丹石之旨以吐納
導飲為事博採方訣歌頌圖記丹經道書無不研考咸平

中成都一豪家葬父徧訪能地里者選山小穴凡數歲方
得之因令馮看之馮曰陵迴阜轉山高隴長水出分明甚
奇絕也主人云葬後以來家財耗散人口淪亡奇絕地如
是耶山人曰頗妄言之凡萬物之人最為靈受命於天與
且異而有貴賤各得其位如鳥有巢獸有穴故無互相奪
此山是公侯之地豈常人可處所以亡者不得存安者不
得寧易曰負且乘致寇至小人而乘君子之器其是之謂
乎

王蜀子城南隅有道士關下肄言人生平休咎皆目覩蜀